

Գարգառ

Մակերես՝ 14,58կմ²

Բնակչություն՝ 1349

Տնային տնտեսությունների թիվը՝ 465:

Գարգառ (Յեր-հեր անվան ռուսերեն տարբերակով) կազմավորվել է 1795թ.-ին: Այն ավելի հին է, քան ենթադրվում է:

Գյուղը գտնվում է ծովի մակարդակից 1400-1500մ բարձրության վրա: Հեռավորությունը Նախկին շրջկենտրոնից՝ Ստեփանավան քաղաքից 10կմ, մարզկենտրոնից 26կմ:

Գյուղի աշխարհագրական դիրքը շատ նպաստավոր է, թե հաղորդակցման տեսակետից, քանի որ նրա միջով է անցնում հանրապետական նշանակության Երևան-Թբիլիսի մայրուղին, թե բնակլիմայական տեսակետից:

Գյուղը շրջապատված է բարձրաբարձր սարերով, թավուտ անտառներով, որոնց հաշվին ապահովված է մոտ 50%-ով խմելու ջրով (ջրագիծ չի նետվու պատճառով է, որ 100%-ով չի ապահովված):

Գյուղի կլիման ձմռանը ցրտաշունչ է, ամռանը՝ զով: Տեղումները երբեմն չափից ավելի են լինում, որից տուժում է գյուղացին՝ չկարողանալով աշխատանքները ժամանակին կազմակերպել:

Համայնքի հողերն անջրդի են: Հիմնականում զբաղվում են ցորենի, կարտոֆիլի, բանջարաբուստանային կուլտուրաների արտադրությամբ: Անասնապահությամբ զբաղվողներն արտադրում են կաթ, միս, բուրդ, ձու, մեղր:

Գյուղն ունի միջնակարգ դպրոց, որը Նախկին մանկապարտեզի վերակառուցված շենքն է: Այն չի համապատասխանում դպրոցի պահանջներին: Դպրոցը երկհերթ է, ուր սովորում է 217 աշակերտ:

Անմխիթար վիճակում է դպրոցի խմելու ջրի ցանցը, որն անհապաղ վերանորոգման կարիք ունի:

Համայնքն ունի մշակույթի տուն, որի վերանորոգման աշխատանքները ավարտվում են:

Գյուղում գործում է մեկ առողջության առաջնային պահպանման կենտրոն, որը գտնվում է գերմանացիների ⑥Կարմիր Խաչ⑦-ի կողմից 1990-91թ.թ. կառուցված հարմարավետ շենքում:

Համայնքի հիմնախնդիրների մեջ կանոթվում են մանկապարտեզի կառուցումը, ոռոգման համակարգի անցկացումը, գյուղատնտեսության և գյուղարտադրության զարգացումը, այգեգործության հիմնումը: